

ARLEF: GARE PAL SPORTEL REGJONÂL PE LENGHE FURLANE*Manifestazion di interès dentri dai 26 di avrîl*

La ARLeF (Agenzie Regjonâl pe Lenghe Furlane) e à aprovât un avîs par cjapâ sù manifestazions di interès finalizadis al affidament dal servizi di “Sportel linguistic regjonâl pe lenghe furlane”, par individuâ i operadôrs economics di invidâ ae successive, eventuâl, procedure negoziade di apalt. Il servizi di “Sportel linguistic regjonâl pe lenghe furlane” si davuelzarà te sede de ARLeF di Udin e/o in altris sedis (regjonâls, talianis e europeanis) individuadis de Agenzie stesse. Il contrat al varà la durade di un an par un impuart stimât di 94.507,38 euros (Iva escludude).

Tra lis ativitâts previodudis a son i servizis di traduzion (dal talian al furlan, e viceverse) e ancje di interpretariât dilunc des sentadis dal Consei regjonâl; la gjestion dai rapuarts cui uficis des Amministrazions publichis dal teritori e, in particolâr, cun chês cence un sportel linguistic pal furlan; il supuart intes ativitâts di coordinament dai sportei linguistics pal furlan presints in dute la regjon; l'impegn tal inzornament des pagjinis web dal sît internet e dai social network de ARLeF; il supuart e/o la gjestion dai events e des manifestazions culturâls inmaneâts de Agenzie; il supuart inte gjestion dai rapuarts cun altris realtâts linguistichis talianis e europeanis e cun organizazions internazionâls; la gjestion des ativitâts affidadis ae Agenzie dal Plan gjenerâl di politiche linguistiche.

A puedin manifestâ il propri interès ae procedure i operadôrs che a àn une esperience almancul cuincuenâl inte realizazion di servizis linguistics par furlan e di ativitât di promozion de lenghe furlane. **La manifestazion di interès** e varà di rivâ ae ARLeF in maniere esclusive midiant PEC se direzion: arlef@certgov.fvg.it, **dentri des 9.00 dai 26 di avrîl dal 2016**.

Par ogni altre informazion, si pues contatâ la dotore Tiziana De Caneva, tel. 0432555881, pueste elettroniche: tiziana.decaneva@regione.fvg.it, o consultâ la pagine www.arlef.it/bants-garis-avis/2016.

Udin, ai 13 di Avrîl dal 2016

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche Tel. + 39 0432 229127 / **e-mail: arlef@caltpr.it**

Adriano Del Fabro - mob. + 39 338 3245229 / Adriana Cruciatti - mob. +39 335 6853775

<<<<<<<<<<<<